



Reuerendi Patris P. Hieremiæ Drexelii e Societate Iesu Opera omnia


Duobus nunc Voluminibus comprehensa, & libellis ante hac non editis
aucta ; Illvstrata, Indicibvs Moralibus, Locorum S. Scripturæ, Capitalium
Mysteriorum fidei, Rerum, & Concionum quouis anni tempore habendarum
; Congestis Et Compositis Methodo prorsus, alijs Auctoribus inusitata ; Sed
Theologis ...

Drexel, Jeremias

Antverpiæ, 1643

Perillvstri Ac Reverendissimo Domino D. Nicolao De Havdion, Octavo
Brvgensivm Epicopo, Perpetvo Ac Hæreditario Flandriæ Cancellario, &c.

[urn:nbn:de:hbz:466:1-77028](https://nbn-resolving.org/urn:nbn:de:hbz:466:1-77028)



PERILLVSTRI AC REVERENDISSIMO

DOMINO

D. NICOLAO DE HAVDION,
OCTAVO BRVGENSIVM
EPISCOPO,

PERPETVO AC HÆREDITARIO FLANDRIÆ
CANCELLARIO, &c.

PERILLVSTRIS AC REVERENDISSIME DOMINE,

ROMANI olim rerum Domini certò persuasum sibi ha-
buerunt, eapropter victrices sese aquilas per totū quā
latè patebat mundū circumferre posse, quia pertinacem
Deorum suorum, quorum credebant indulgentiam, pro eo sem-
per imperio custodiendo, augendoque excubare: quod tam scru-
puloſa

† 3.

pulosa cura, paruula quoque momenta. Religionis examinaret,
nec vnquā, vt scribit Valerius Max. remotos ab exactissimo cultu
ceremoniarum, oculos haberet. Quamobrem sicut omnium sua-
rum victoriarum successum, iis acceptum referebant: sic vicissim
non solum obseruandæ, sed etiam amplificandæ Religioni tam
sedulo studebant, vt è florentissimâ, tum & opulentissimâ ciuita-
te, (vti idem Valer.) decem Principum filij, singulis Etruriæ po-
pulis, percipiendæ sacrorum disciplinæ gratiâ traderentur. Rectè
equidem: si verò, & viuenti potius, quàm infamibus illis Deorum
simulachris ac portentis, sese tam superstitiosâ obseruantia con-
secrassent: & vnum Deum, vt S. P. noster Augustinus inquit, me-
liori compendio coluissent. Illum, inquam, quem nos sancto fidei
lumine illuminati: quiq; nos in Ecclesiæ suæ agro plantatos, &
pretiosi sanguinis sui rore irrigat & fecundat. Sed quia nihil in
humanis tam sanctum, quò prauorum desideriorum pestes non
penetrent, leuis sæpè credo, Ecclesiasticæ huic segeti interna scit-
tur, & vel in herbis enecat: nisi Diuini verbi præcones, quos tan-
quam spirituales operarios, supremus ille Pater familias in mes-
sem suam mittit, verbo & exemplo veluti irpibus quibusdam,
impigrè instent; vt infelix lolium, steriles auenas, & tristes car-
duos, germinis optimi pestes euellant, agrumq; alioquin fer-
tilem, suis zizaniis quæ inimicus homo bono semini intersemi-
nat, exherbēt. Quos inter non ignauus est, sed solers & industrius
Pater Hiëremias Dræxelius magnus ille è Societate IESV vitæ, vo-
ce, calamo, Ecclesiastes. Quē Perillustri ac Reuerendissimæ D. T.
venimus vnà cum matre, patre orbi, patris hæredes consecratum;
quando suaptè sponte ad aras Benèuolentiæ Tuæ properabat, cer-
tus non ingratum sese futurum illi Præsuli, cui numquam solet
displicere quidquid publico bono putatur expedire, & tam anxie
rerum ecclesiasticarum satagit, vt inclytum istud tuum pectus,
choragium vocare possimus omnium pastoralium virtutum, &
veram integritatis panopliam. Vt enim omittam insignem illam
clementiam, quæ ex vultu vel eminè conſpicientibus sic elucet,

vt

vt sedem inibi totā fixisse non dubiis signis coniciant. Prudentia, probitas, omnibus in actionibus ita se produnt, vt manifestè sit videre Perillustrem ac Reuerendissimam Dominationem tuam ad sacras infulas esse selectam, non tam humanis quàm diuinis, & maximarum virtutū suffragiis. Quibus iam inde à teneris maioribus & sanctioribus officiis ita præludebas, vt nihil miri sit, si id ætatis magnifico ac sacro Gandauensium Canonikorū Senatui fueris accensus, quā alij vix prima Philosophici studij rudimenta cœperunt delibare. Vbi gradatim ad omnia omnino munia conscendens, omnibus ita fungebarris, vt pedum & mitram, antè vnanimis omnium sententia adiudicaret, quàm cælum & Rex dedissent. Admirabantur enim omnes iam tunc in Iuvene plusquā virilem animum, & verò, tam inclytā stirpe dignam constantiam prudentiamque. Porro ne tanta probitas domi delitesceret, vnica vrbi aut Orbi solum nota, ad Apostolorum limina Romam iter instituit, ipso sacro Iubilei anno: protegente vbique inter multa viarum discrimina, manifestā numinis prouidentia, vt locis sacrosanctis salutatis redux, aliquando tandē Pastor optimus gregem Brugensem ita custodires, vt ne malę Vicirię scabiem timere deberet.

Porro, nisi Pythagoricam *μετεμύχθων* à fidelium cordibus Ecclesia proscripsisset, auderem dicere omnes raras Illustrissimorum Maiorum Prænobili HAVDIANO genere animas in vnū hoc corpus commigrasse: si tamē non animæ (quod saluā fide licet) virtutes commigrarunt. Quarum quasdā (omnes non posse, res enim belli domiq; gestæ tam multæ sunt, vt certo numero cōprehendi nequeant) recitaremus, nisi modestiā illam timeremus offendere, quā laudanda facere mauis, quàm laudari: eā proptē vt vetera, ita taciti præteribimus Nobilissimos Dominos Germanos Tuos Lācilottum & Conradū, qui variis bellis Regi Deoque non cōtemnendam operam præstiterūt: quorum hic nimis cheu! præmaturē non ita pridē vitā defunctus est, lōgiore profectò dignissimus. Ille inter Illustres Hannoniæ Ordines deputati munere, etiam nunc republ. sibi pergit demereri. Etiam taceo gemina illa belli fulmina Grobbendoncquios Comites, Patrē & Filium: quorū Alter

tot

tot victoriis inclytus, & conspicuus, quot canis fuit oblitus; vitâ
simul & innumeris quos pro patria exantlat laboribus, abhinc
quinquennio defunctus, in senectute bonâ quieuit: postquâ paulo
antè duos potentissimos hostes, qui intima Belgicæ viscera depa-
scebantur ante Louanium cum exigua suorum manu stitisset: Alter
semper & vbique ad pugnam primus, in receptu postremus, non
indecoro puluere quotannis sordidus, multo sanguine fluens, &
non vno vulnere saucius, ex quouis conflictu viuus & victor redit;
tanquam si Heroem fortissimum mors ipsa timeat, aut potius
benigna propitij Numinis Prouidentia fortunæ Belgicæ deposi-
tum, ad maiora custodiat. Omittimus etiam Daubermontios,
aliasque perillustres ex hac stirpe animas:

*Nam genus est proavos, est quæ non fecimus ipsi,
Vix ea nostra vocas.*

Satis utpote tuis titulis & factis gloriosus, in summo honoris fa-
stigio *omnibus omnia*, cum Apostolo, *factus*, talem Te omnibus
exhibes, ut quicumque ad Benignitatis Tuæ alloquium non dif-
ficile admissi, tantam in tantò animi demissionem admirentur, &
obstupefiant, felices Brugas deprædicantes, cuius industriâ cla-
mant futurum, ut ouibus huic Pastori commissis, nihil noceant
malæ vicinæ Slusæ, & pessimæ aliorum Hæreticorum contagia.
Porro nos minimi Clientuli Tui vnâ cum Matre orbâ marito &
patre, pio silentio tot virtutum ingentem cumulum, proni vene-
ramur, & cum sacrarum manuum osculo, sese nos Pupilli, & Mater,
quos amara mors, nimis eheu! citò parente orbauit, humillimè
commendamus: utque debitæ obseruantia aliquod saltem speci-
men ostendamus, Drexelianos hos flores Indicibus moralibus il-
lustratos & exornatos, Perillustrissimæ & Reuerendissimæ Dom.
Tuæ offerimus: sperantes fore, ut hoc quantulumcumque, eo
quo, quantumuis tenue, soles oculo aspicias. Ita Deum ter Opt.
Max. oramus, ut Perillustrem ac Reuerendissimam D. T. nobis
Pupillis & Viduæ Matri, & toti Reipub. Christianæ diu seruet.

Perillustri ac Reuerendiss. Dom. Tuæ Serui

Humillimi Pupilli & Heredes Ioannis Cnobbari.

PRÆ-